

Allanguutissatut siunnersuut

uunga

**Uunga siunnersuut: Inissiani attartortittakkani ineqarnermut tapiissutit pillugit
Inatsisartut inatsisaat nr. xx xx xx 2015-imeersoq**

Aappassaaneerreqarneranut Naalakkersuisut saqqummiussaas.

§ 5-imut

1. § 5 ima allanneqassaaq:

§ 5. Ineqarnermut akiliutit, inoqutigiit katillugit isertitaat maanna atuuttut, inissiaq taassumalu aaqqissugaanera, kiisalu meeqqat 18-it inorlugit ukiullit angerlarsimaffimmi najugaqartut amerlassusaat tunngavigalugit ineqarnermut tapiissutit naatsorsorneqartarput.

Utoqqalinersiaqartup imaluunniit siusinaartumik pensionisiaqartup isertitaani maanna atuuttuni kr. 4.100 ilanngaatigineqassapput.

Imm. 2. Imm. 1 naapertorlugu naatsorsuereernerup kingorna ineqarnermut akiliutini, inoqutigiit katillugit isertitaanni maanna atuuttuni, inissiami taassumalu aaqqissugaanerani imaluunniit meeqqat 18-it inorlugit ukiullit angerlarsimaffimmi najugaqartut amerlassusaanni malunnaatilimmik allannortoqarsimappat ineqarnermut tapiissutit naatsorsoqqinneqassapput.

Imm. 3. Meeqqat angerlarsimaffimmi najugaqartut qaammat 18-inik ukioqalerfigisaat naallugu ilanngullugu naatsorsuisoqassaaq. Meeqqat 18-it inorlugit ukiullit inigisami najugaqartut amerlassusaasa allanguutaat kommunimut nalunaarutigineqareerpat qaammatip tulliuttup aallaqqaataaniit ilanngunneqartassapput.

§ 11-mut

2. Imm. 2 ima allanneqassaaq:

Imm. 2. Inissiani attartortittakkani ineqarnermut tapiissutit aningaasanut aalajangersimasunut naatsorsorneqassapput attartortup ineqarnermut akiliutaani ineqarnermut tapiissutit ilanngaatigineqarlutik, taamaalilluni ineqarnermut tapiissutit ineqarnermullu akiliutit nikingassutaat kisimi attartortumit akiliutigineqassalluni.

Inatsisissatut siunnersuummut oqaaseqaatit

Siunnersuummut oqaaseqaatit nalinginnaasut

Inissiani attartortittakkani ineqarnermut tapiissutit pillugit inatsisartut inatsisissaattut siunnersuut siullermeerneqarpoq 8. oktober 2015. Tamatuma kingorna ataasiakkaanik ersarissaanis-saq pisariaqartinneqartoq erserpoq.

Pensionisialinnut immikkut malittarisassamik inatsisissamut siunnersuummi ilanngussisoqassaaq, isertitat manna atuuttut naatsorsornerini kr. 4.100 ilanngaatigineqassam-mata. Immikkut malittarisassaq pissusissamisoornerisiginiarnissaa malinnaaffigineqassaaq, akileraartarneq inissiaqarnerlu pillugit ataatsimoorussamik iluarsaaqqinnissamut atatillugu.

Isertitat maanna atuuttut

Inatsisissatut siunnersuummi oqariaaseq ”isertitat maanna atuuttut” atorneqarpoq. Oqariaaseq siornatigut atorneqartumut ”isertitat akileraarutaasussat”-nut taarsiullugu atorneqartussatut paasineqassaaq. Isertitanut tunngatillugu oqariaatsip inatsisitigut allanngortinneratigut innut-taasup qinnuteqaateqarnerata nalaani isertitaqarneranik tunngasunik naatsorsuisarneq naleqqunnerusoq atorneqalissasoq naatsorsuutigineqapoq.

Akileraarutaasussatut isertitat pillugit paasissutissat ullumikkut ikiorsiissutigineqartartut naatsorsorneqarnerinut tunngaviusartut ukiut marluk angullugit nutaanngissuseqartarsinnaan-eri taamaalillunilu innuttaasup isertitaanut maanna atuuttunut tunngassutilinnut ersiutaajun-naartarneri pissutigalugu allannguutip tunngaveqarnera isiginiartariaqarpoq.

Isumaginnittoqarnermi politikkeqarnermi tunngaviusumik periusaavoq isumaginninnikkut ikiorsiissutit qanoq ajorsaateqartoqarnera aallaavigalugu innuttaasullu qinnuteqaateqarnerata ikiorsiissutillu tunniunneqarnerisa nalaani isertitaqarnikkut pissutsit tunngavigineqartassasut. Isumaginninnikkut ikiorsiissutit sanngiinnerpaanut aningaasaqarnikkullu ajornerpaamik inis-sisimasunut pingaarnerpaamik tunngatinneqassapput.

Isumaginninnikkut ikiorsiissutit annertussusaasa naatsorsorneqarnerini innuttaasup isertitai maanna atuuttut paasissutissat tunngavigineqarneratigut innuttaasumut isumaginninnikkut ikiorsiissutit aningaasartaasa annertussusaat eqqornerusut tunniunneqartarnissaat qulakkeerneqassaaq. Isertitat maanna atuuttut pillugit paasissutissat nutaarluinnaat Skat/Sulinal atorlugu ullumikkut paasiniarneqarsinnaapput, taamaalillunilu isumaginninnikkut ikiorsiissutit tunniunneqartartut siunissami innuttaasup isertitai maanna atuuttut il.il. naap-ertornerullugit tunngaveqalissallutik.

Isertitat maanna atuuttut tassaapput isertitat A-t aamma B-t qaammatini kingullerni 12-ni ilanngaatisaqq ilanngaatigereerlugu. Isertitat maanna atuuttuni isertitat akileraarutaasusaanngitsut tamaasa ilanngunneqartussaannngillat, DIS-imiit aamma GIS-imiit isertitat eqqaassanngikkaanni.

Aalajangersakkanut ataasiakkaanut oqaaseqaatit

Nr. 1-imumt

Imm. 1-mut

Ineqarnermut tapiissutit suna tunngavigalugu naatsorsorneqartarnersut aalajangersakkakkut erseqqissarneqarpoq. Ineqarnermut akiliutit, inoqutigiit isertitaat maanna atuuttut, inissiaq taassumalu aqqissugaanera kiisalu meeqqat 18-it inorlugit ukiullit angerlarsimaffimmi najugaqartut naatsorsuinermi tunngavigineqarput.

Isertitat maanna atuuttut tassaapput isertitat A-t aamma B-t qaammatini kingullerni 12-ni ilanngaatisaqq ilanngaatigereerlugu. Isertitat maanna atuuttuni isertitat akileraarutaasusaanngitsut tamaasa ilanngunneqartussaannngillat, DIS-imiit aamma GIS-imiit isertitat eqqaassanngikkaanni.

Utoqqalinersiallit imaluunniit siusinaartumik pensionisiallit isertitaasa maanna atuuttut naatsorsorneqarnerini kr. 4.100-t ilanngaatigineqassapput.

Oqariaaseq inissiaq taassumalu aqqissugaanera aqputigalugu ineqarnermut tapiissutit aningaasartaanni ineqarnermut tapiissutinik pisussap ilaqtutitigit aningaasatigullu atugarisaata saniatigit ineqarnermut tapiissutinik pisussap attartugaa, attartukkallu aqqissugaanera ilanngunneqartussaapput. Tunngavigineqartussami nutaami inissiaq taassumalu aqqissugaanera aqputigalugu inissianut aalajangersimasunut ineqarnermut tapiissutinut aningaasanik qanoq annertutigisunik tunniussisoqarnissaanut aningaasanut erseqqinnerusumik aalajangersaasoqarnissaa periarfissinneqassaaq. Aningaasartaanni ilaatigit apeqqutaatinneqassapput attartortinneqartup eqqiluisaarnissakkut atortutigit qanoq inissisimanera, attartortinneqartumi erngup aqputaanik il.il. ikkussisoqarsimanersoq, taakkuninngalu imaaliallaannaq pissarsisoqarsinnaanersoq. Piumasaqaatit ineqarnermut tapiissutit annerpaaffiannik pissarsinissamut naammassineqartussat nalunaarummi inatsimmi § 8, imm. 2 malillugu atortuulersussami takuneqarsinnaassapput. Ineqarnermut tapiissutit aningaasartassaasa annertussusissaanni apeqqutaassaaq attartortitami piumasarineqartut nalunaarummi aalajangersarneqartut naammassineqarsimanersut. Ineqarnermut tapiissutit annerpaaffiannik tunineqarnissamut piumasaqaatit attartortitami

naammassineqarsimassangippata ineqarnermut tapiissutit aningaasartai annikinnerusut tunniunneqarsinnaassapput.

Imm. 2-mut

Aalajangersakkap kingunerissavaa imm. 1 naapertorlugu kingullermik naatsorsuisoqarnerata kingorna inoqutigiit ineqarnermut katillugit akiliutaanni, inoqutigiit katillugit maanna atuuttut isertitaanni, inissiami taassumalu aaqqissugaanerani imaluunniit meeqqat 18-it inorlugit ukiullit angerlarsimaffimmi najugaqartut amerlassusiini malunnaatilimmik allanngortoqarsimappat naatsorsueqqittoqartussaanera.

Imm. 3-mut

Aalajangersakkami erseqqissarneqarpoq meeqqat 18-it inorlugit ukiullit angerlarsimaffimmi najugaqartut amerlassusaannut allannguutit kommunimut nalunaaruteqarnerup kingorna qaammatip tulliuuttup aallaqqaataanit ilanngunneqartassasut. Aalajangersagaq imatut paasineqassaaq kommuni inuttaasumit nalunaarfigineqarsinnaasoq, soorluttaarlu kommuni nammineerluni iserfigisinnaasaminut pisinnaatitaaffimmilu iluani CPR-inut nalunaarsuiffimmiit imaluunniit nalunaarsuiffinniit allanit tigooraasinnaasoq.

Ineqarnermut tapiissutit naatsorsorneqarneranni inoqutigiit meerartaat 18-it inorlugit ukiullit eqqarsaatigineqassapput. Naatsorsuutigineqarpoq ineqarnermut tapiissutit ingerlaannartumik naatsorsorneqartassasut, tassa inoqutigiinni meeqqap ataatsip 18-inik ukioqalernerata kingorna qaammatip tulliuuttup aallaqqaataanit tapiissutit appartussanngorlugit.

Nr. 2-mut

Imm. 2-mut

Inissiani attartortittakkani ineqarnermut tapiissutit naatsorsorneqassapput ineqarnermut tapiissutit ineqarnermullu akiliutit nikingassutaat attartortumit akiliutigineqartussatut piumasarineqassalluni.